

Zbirka medijskih objava

Vlada Brčko Distrikta_kliping_dnevno,
za razdoblje 19. 9. 2021

Broj objava: 2

Internet: 2

Teme praćenja:

Vlada Brčko Distrikta: 0

Gradonačelnik: 0

Skupština Brčko: 0

Brčko: 2

Brčko:

Internet	Naslov	U BiH 967 novih slučajeva zaraze koronavirusom, preminulo 15 osoba		
Serijski br. 1	Medij; Doseg	Klix.ba; 1.540, Bosna i Hercegovina		
	Rubrika, Datum	Ostalo; 18. 9. 2021		
	Autor	B. T.		
	Teme	Brčko		

Internet	Naslov	Svjetski dan čišćenja u BiH obilježilo više od 2.000 vrijednih volontera		
Serijski br. 2	Medij; Doseg	Klix.ba; 1.540, Bosna i Hercegovina		
	Rubrika, Datum	Ostalo; 18. 9. 2021		
	Autor	V. K.		
	Teme	Brčko		



U BiH 967 novih slučajeva zaraze koronavirusom, preminulo 15 osoba

U Bosni i Hercegovini danas je potvrđeno 967 novih slučajeva zaraze koronavirusom, od testiranih 3.618 uzoraka. U posljednja 24 sata registrirano je 15 smrtnih ishoda.

Podsjećamo, dan ranije u Bosni i Hercegovini je zabilježeno 995 slučajeva zaraze koronavirusom od 3.409 obrađenih testova, a zabilježena su 32 smrtna slučaja.

Federacija BiH

U protekla 24 sata Zavodu za javno zdravstvo Federacije BiH prijavljeno je 2.467 uzoraka, od čega su 482 pozitivna na koronavirus.

Novi slučajevi registrirani su u svim kantonima. Do sada je testirano ukupno 836.835 uzoraka, a koronavirus je potvrđen kod 147.473 osobe.

U protekla 24 sata u Federaciji BiH preminule su tri osobe iz Kantona Sarajevo, dok je jedan smrtni ishod prijavljen retroaktivno. Ukupan broj smrtnih ishoda na području Federacije BiH je 5 812.

Republika Srpska

U Republici Srpskoj, u posljednja 24 sata, izvršeno je testiranje 1.044 laboratorijska uzorka, a novi koronavirus potvrđen je kod 457 osoba. U istom periodu, Institutu za javno zdravstvo RS prijavljeno je 12 smrtnih slučajeva.

Do sada je u tom entitetu potvrđen 71.981 slučaj koronavirusa, a preminulo je ukupno 4.055 osoba kod kojih je potvrđen test na taj virus.

U RS testirano je ukupno 312.657 osoba, a broj hospitalizovanih je 718, pod zdravstvenim nadzorom trenutno je 7.111 osoba.

Brčko Distrikt

Danas je u **Brčko** distriktu BiH registrovano 28 novih slučajeva zaraze koronavirusom, na osnovu 107 testiranih uzoraka. Do sada je u **Brčkom** testirano 43.085 uzoraka, a virus je potvrđen u 7.370 slučajeva.



Svjetski dan čišćenja u BiH obilježilo više od 2.000 vrijednih volontera

Bosna i Hercegovina jedna je od 180 zemalja širom svijeta koja se terenskim volonterskim akcijama pridružila Svjetskom danu čišćenja, a "Let's Do It BiH", u saradnji sa mnogobrojnim partnerima, udruženjima i pojedincima organizovao je akciju "Očistimo zemlju za 1 dan" na više od 30 lokacija širom zemlje.

Više od 2.000 vrijednih volontera je uprkos kiši na različitim lokacijama naše države sakupilo velike količine otpada. Čistili su se parkovi, šetališta, školska dvorišta, riječna korita, ulice i ostale javne površine.

Zbog pogoršane epidemiološke situacije broj volontera u organizovanim akcijama čišćenja bio je ograničen, ali podsjećamo i sve one koji su sami čistili da i dalje mogu unijeti rezultate svojih individualnih akcija u formu na web stranici www.ugruke.com

Akcije čišćenja su se održale u Sarajevu, Tuzli, Bihaću, Bosanskoj Krupi, Goraždu, Gračanici, Bijeljini, Kozarcu, Doboju Istoku, Donjem Vakufu, Boračkom jezeru, Konjicu, Prijedoru, Doboju, Kaknju, Teočaku, **Brčkom**, Puračiću, Tomislavgradu, Sanskom Mostu, Neumu, Cazinu, Zenici, Bosanskom Petrovcu, Jajcu, Palama, Trebinju i Žepču.

Održavanje ove akcije podržali su specijalni partneri: Evropska Unija u BiH i Olimpijski komitet BiH. Zlatni sponzori su: Eko život d.o.o. i Ina i Energopetrol, a ostali partneri su: Vlada Kantona Sarajevo, UN volonteri, Toyota i Ožujsko.

Evropska unija kontinuirano podržava inicijative usmjerene na sprječavanje i smanjenje onečišćenja, boljeg upravljanja otpadom, pružanja podrške nadležnim tijelima u provođenju učinkovitih mjera.

Mnoge postojeće i buduće političke inicijative u okviru Evropskog zelenog plana pružaju evropski okvir i podršku u zaštiti okoliša širom Evropske unije i Bosne i Hercegovine.

Olimpijski komitet Bosne i Hercegovine je već sedmi put specijalni partner Projekta kroz organizacionu i materijalnu podršku. Ove godine OK BiH je specijalni partner u 10 bh. gradova i općina, uključujući olimpijska borilišta Trebević i Malo polje na Igmanu gdje su nam se pridružili i naši olimpijci Nedžad Husić i Mirza Nikolajev kako bi svojim ličnim angažmanom dali doprinos Svjetskom danu čišćenja.

"Svi sportovi se odvijaju ili u vodi, ili u vazduhu ili na tlu. Agenda 2020+5 Međunarodnog olimpijskog komiteta jasno definira da se moramo permanentno i kontinuirano boriti za što čišći i bolji okoliš. Ono što je najvrjednije Olimpijskom komitetu su sportisti koji su se uvijek odazvali na ove pozive, pa smo ih mogli vidjeti na najljepšim mjestima koji se mogu očistiti, a to su Olimpijska borilišta. Svojim primjerom su pokazali da treba voditi računa o mjestu gdje živite i gdje se bavite sportom", poručio je Generalni sekretar Olimpijskog komiteta BiH, Said Fazlagić.

Iako se Svjetski dan čišćenja pod ovim imenom pojavljuje od 2018. godine, "Let's Do It BiH" provodi terenske akcije čišćenja godinama, a današnjim provedenim akcijama obilježio je svoju jubilarnu desetu godišnjicu djelovanja.